

kontuola


KONTUOLA, Idolaz elkarte, **ANTZUOLA**. **Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Goizon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 33 zenbakia. 1999ko martxoaren 12a.

Udalak bultzatutako etxebizitzak

Martxoaren 18an amaituko da izena emateko epea

Otsailaren 13an egin zen Antzuolako Udalak bultzatutako etxeei buruzko bigarrena zine aretoan. Jende ugari elkartu zen han, baina entzundakoari buruzko iritzia oso ezberdinak entzun ahal izan dira egunotan kalean. Batzuen ustez Udalaren eskaintza ondo dago, egoera ekonomiko ona dutenez. Beste batzuen iritziz, ordea, Udalak beharra dutenei laguntzeko eskaintza egin behar luke. Hau da, etxeen salneurria ondo dago kalitate eta prezioari begiratuz gero, baina soldata txikia dutenez ez dirudi eskaintza horren eroso denik.



Honela geratuko da herria kale eta eraikuntza berriekin.

VALEN MOÑUX

Udal Etxegintzaren etxeek 13 milioi eta erdiko prezioa daukate, BEZaz gain. Udalak bultzatutako etxebizitzek sukaldaria, egongela-jangela,

hiru logela, komuna, bainua, trastelekua eta garaje irekia izango dituzte. Mikel Larrea alkatearen esanetan, "Udalak bultzatutako etxeak ez dira babes ofizialeko etxeak. Etxebizitza hauetan edonork eman dezake izena. Puntuaren arabera aukera gehiago edo gutxiago".

JENDEAREN ESKAERA

Udalak aurkeztutako proiektua herrian egindako inkesta batean oinarritzen da. Etxeen tamainari dagokionez zera azaldu digu alkateak: "Gehienek 80 bat metro karratuko etxeak nahi zituzten, hiru bat logelarekin eta garajearekin. Udalak 32 etxebizitza egingo ditu ia denak metro karratu antzekoekin. Ezingo genuke etxe gutxi batzuk txikiagoak egin, etxebizitza kopurua legeak lagatzen duena baino handiagoa izango zelako".

ESKAERAK NON ETA NOIZ

Etxebizitza berriendako izen-ematea martxoaren 18an, eguena, amaituko da. Dagoeneko banatu dira horretarako orriak. Dena den, oraindik norbaitek ez badu informaziorik jaso edo izenik eman, Udaletxera jo baino ez dauka. ■

■ ■ ■
Etxeek 13 milioi eta
erdiko prezioa
daukate, BEZaz gain
■ ■ ■

EROSLEAK HAUTATZEKO KONTUAN HARTUKO DIRENAK:

- Etxean biziko direnen **diru sarrerak**, ondareko baliabideak eta gizarte-egoera eta lan-egoera: 40 puntu gehienez.
- **Mugitzeko arazoak:** 15 eta 5 arteko puntuazioa.
- Etxe bakoitzean biziko direnenak: sei lagun izango direnak 15 puntu, eta bakarrik 0.
- Herrian erroldatua egoteak 15 puntu. Antzuolan bizi ez, baina herrian lan, 5.

Beraz, gehienez 100 puntu izatera heldu daiteke eskatzailea

Badator Korrika Antzuolara!

Aurten hamaikagarren Korrikak zeharkatuko du Euskal Herria, euskararen alde. Martxoaren 19an aterako da "1+1=hamaika, zu eta ni euskaraz" leloarekin Iruñetik eta martxoaren 28an iritsiko da Donostiara.

Antzuolatik ere pasako da hamaikagarren Korrika. Martxoaren 24an izango da hori. Baina ez da orain dela bi urte bezala, egunez pasako. Gauerdian iritsiko da, gutxi gorabehera 23:40 aldera. Dena den, adi-adi egon beharko dira korrikazaleak eta lekukoa hartuko dutenak, gauzez azkarrago egiten baita antxintxika! Lekukoak, beti bezala, Korrikaren kmak erosten dituztenek hartuko dituzte. Bergararik etorriko da eta Zumarraga aldera egingo du. Handik, Urretxu, Logazpi, Oñati, Arrasate eta Gasteiz aldera joko du.

KORRIKA PRESTATZEN

Antzuolako Korrika batzordeak, bilera egin zuen joan zen martitzenean. Korrika herrira heltzen denerako giroa berotzeko asmotan, Korrikaren aldeko kuestazioa egitea erabaki zuten batzordekideek. Domekan, martxoaren 14an, izango da



Orain dela bi urte, martxoaren 17an pasatu zen Korrika Antzuolatik.

hori, arratsaldeko 18:00etan hasi eta 19:30ak arte.

Herriko plazan gainera, Korrika 11ko materiala ere jarriko da salgai (kamisetak, jertseak, prakak eta galtzontzi-look, besteak beste).

Herriko eskolak, gainera, Korrika Txikia egingo du seguruen. Aurten, Korrika Txikia, goizez izango da. Izan ere, herriko ikastetxeko neska-mutikoek eguazten arratsaldeetan jai izaten dute. Dena dela, oraindik ez da erabaki.

Batzar Orokorra egingo du Idolazek

Idolaz, euskara elkarteak, dagoeneko erabaki du noiz egingo duen urteko batzar orokorra. Martxoaren 30ean, martitzena, izango da, hain zuzen ere. Horretarako elkarteak bazkide guztiei deia luzatuko die, liburutegian elkartu daitezten arratsaldeko 20:00etan.

Gaur egun Idolazek 150 bat bazkide ditu, gutxi gorabehera. Hauei guztiei, gainera, laister pasako zaie urteko kuo-

ta. Dena den, eta Idolazeko zuzendaritza batzordeko kideek azaldu digutenez, "bazkide zerrenda berritu beharra dago. Izan ere, zaharkituta gelditu da eta bazkide askoren egoera aldatu egin da bazkide egin zirenetik".

Gauzak horrela, batzar orokorrean, besteak beste, kuotei dagozkien aldaketen berri emango du zuzendaritza batzordeak. Aldaketen artean, jubilatuen kuotari dagokiona da aipagarriena.



Orain arte, jubilatuek 3.000 PTA. ordaintzen zituzten. Idolazeko zuzendaritza batzordeak, ordea, langabetu eta ikasleek ordaintzen duten kuota bera jartzea erabaki du jubilatuei. Hau da, 500 PTA. Idolazeko kuotak, beraz, langabentzat 3.000 PTA. eta langabetu, ikasle eta jubilatuentzat 500 PTA.koa izango dira.

Bilera, martxoaren 30ean, liburutegian, arratsaldeko 20:00etan izango da.

LARREA

TABERNA

Kalebarren 17
ANTZUOLA



Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espedituek bideratzen ditugu

Zabor horia, zer da hori?

Panta Rhei antzerki taldeak "Zabor horia, zer da hori?" izenburuko antzezlan eskainiko du domekan, martxoak 14, Herriko plazan. Antzerki saioa, Arrasateko Udalako Ingurugiro Eskolak eta Deba Garaiko Mankomunitateak "Zaborraren problematika aztertzen" izenarekin martxan jarri duen kanpainaren barruan dago.

Mankomunitateak tetrabrik ontziak, plastikoak eta latak jasotzeko jarriko dituen edukiontzien erabilera bultzatzeko jarri du martxan kanpaina. Martxoaren amaiera aldera, Antzuolan ere kolore horiko edukiontzia izango dira, papera eta beirak birziklatzeko edukiontzien ondoren. Edukiontzi berriak tetrabrik ontziak, plastikoak eta latak birziklatzeko izango dira.

KONTZIENTZIAZIO KANPAINA

Mankomunitateak martxan jarri duen kanpaina, kontzientziazio kanpaina da.

Zaborrek sortaraz ditzaketen ingurugiro arazoak eta zaborra tratatzeko erabiltzen diren metodoak ezagutzeko, herriko edukiontzietako funtzioa hobeto ezagutzeko eta horien garrantziaz jabetzeko, zaborra birziklatzea naturaren defentsarekin erlazionatzea, zaborrari ematen zaizkion tratamenduak behatzea eta horien alde onak eta txarrak eztabaidatu eta neurririk gabeko kontsumoak hondakin gehikuntza dakarrela jakinaraztea dira kanpaina horren beste helburuak.

Horretarako, domekan Herriko plazan (eguraldi txarra eginez gero, pilotalekuan) ikusi ahal izango den antzerki saioa, beste hainbat herri eta ikastetxetan ere egingo du Panta Rhei antzerki taldeak. Joan zen astelehenean esaterako, Bergarako Ipintza institutuko ikasleen aurrean aurkeztu zuten antzerki saioa.

Antzerki saioekin batera, ikasleei zuzendutako bestelako ekintzak ere antolatuta dira, LH eta DBH ikasleentzat.

A ZE PAREA!

Gauzak askok aldrebestu beharko lirateke, datorren zapatuan, martxoaren 13an, San Blasen gertatuko dena ez pasatzeko. Izan ere, Jone Larrañagak, Kontuolako erredakzio kontseiluko kidea, eta bere mutil lagun Andoni Rodrigezek egun hori eta leku hori aukeratu dute elkarri baietza emateko. Ziur zaudete, ezta? Jakin dugunez, gainera, ezkonberri bidaia Kubara egingo dute. Askok ezkongabe egonik egingo luketen bidaia; baita ezkonduetako askok ere! Kontuz, beraz, bikote eta ZORIONAK!



ERRETIROA MINTZAGAI

Martxoaren 17an, eguaztena, hitzaldia izango dute herriko jubilatuek. "Erretiroa: aro berri baten hasiera" izeneko hitzaldia eskainiko da. Hitzaldia arratsaldeko 17:30etan izango da Jubilatuetan.

MENDI IRTEERAK

Arrolak eskolarteko mendi irteera antolatu du datorren domekarako, martxoak 14. Aretxabaletara abiatuko dira goizeko 8:00etan eskolako neska-mutikoak. Hurrengo irteera, berri, martxoaren 28an izango da. Jadanik ohizkoa bihurtu den irteera izango da domeka horretan egingo dena: Antzuolatik Arantzazura, hain zuzen ere. Irteera goizeko 06:30etan izango da, Herriko plazan.

GALDUTAKO GILTZAK

Gaztelugainera bidean topatutako giltzak sorta bat laga dute Udaletxean. Jabeak Udaletxean izango ditu jasotzeko.

Presoen alde

Joan zen zapatuan manifestazioa egin zen Antzuolan, Euskal Herriko beste hainbat herritan bezala. "Euskal Presoak Euskal Herrira" eskaerarekin bat egiteko, herritar ugari elkartu zen Herriko plazatik atera zen manifestazioan. Manifestaziora Udalak eta herriko hainbat elkarterk deitu zuten, horien artean, alderdi politiko, sindikatu, kultur elkarte eta giza mugimenduek.



GAILUR
taberna eta
gozotegia

Buztinzuri 13 ANTZUOLA
Tf. 943 78 70 32

KALEGOI 19 ☎ 943 76 64 07

Tomas Gezalaga

ANTZUOLA BERGARA

• Zoruen kutxilatuta eta barnizaketa •

igok eta Txomin

Pintura orokorrean.
Paper, tela, binilo, kortozko... estaldurak.
Gotelesa, iztukuak eta bestelako imutazioak.

ANTZUOLA BERGARA
☎ 943 76 60 39 ☎ 943 76 19 98

GOROSTI
Taberna

☎ 943 76 62 96
Zurrategi plaza ANTZUOLA

Aitor Larrea, txirrindularia

“Asko gustatzen jat bizikletia!”

23 urteko txirrindulari honek Born Jay txirrindulari talde arrasatearrarekin fitxatu du. Joan zen zapatuan Santanderrera abiatu zen denboraldiari hasiera emateko, baina eguraldi txarrak ez zion laga bizikletan ibiltzeko duen sasoia erakusten Kantabriako lurretan.



Nolatan ekin diozu berriz bizikletari?

Eneukan asmorik bizikletan ibiltzeko, baiña Behobia-Donostia maratoiaren ostian antxitxikarik ezin nebala egin esan zosten. Orduan berriz bizikletan hastia erabaki neban.

Iaz triatloia egiten aritu zinen?

Probatze aldera ibilli nintzan. Baiña horrekin batera karrera batzuetan be egon nintzan neure kasa. Bizikletan ibiltzen nintzian noizian behin karreretara be juan nintzan.

Talde barik ibiltzea gogorra da?

Pixka bat bai. Bakarrik juan bihar zara karreretara; baiña askatasun haundixagua daukuzu. Baiña karrera batzuetan ezin dozu parte hartu talde barik. Dana dala, taldiakin hobeto.

Lehen ere aritu zinen Arrasaten

Lehenengo urtia afizionatueta Iberdrolan ibilli nintzan. Gero Mondragoeko ekipo hau etara zebenian, ia han ibilli nahi neban galdetu zosten eta baietza emon neban. Baiña orduan oindio Arrasate Txirrindulari Elkarte zan.

Zela ikusten duzu denboraldia?

Talde majua daukagu. Jente gaztia dago. Helburua, hortxe gustura ibiltzia eta ahal baldin bada karreraren bat irabazia! baiña gustatzen jatelako ibiltzen naiz, nere zaletasuna horixe da.

Entrenamenduak eta lana, ondo konpontzen zara?

Lanian hasi nintzian zutik egotian hankak kargau egitten jaten. Oin beste lan bat daukat eta hobeto. Errelebotan nabillenez, gaiñera, ondo, batez be arratsaldez.

Zapatuan Santanderren ez zenuen zorte handirik izan.

Edurragatik karrera hasi baiño bost miñutu lehenago ailegatu giñan. Gure bizikletak atzetik zetorren kotxian zeren eta ezin izan giñuan ezer egin. Domekan Laudiora juan giñan eta han hobeto, baiña igarri egitten zan denboraldixa hasi berri daukagula.

Mediku partikularra daukazu ezta?

Taldian ibilli nahi neban esan zostenian neure kasa nebillen entrenatzen, eta lña ki Arratibelengana juan nintzan entrenamendu bat ipintzeko eta oin horixe egitten dot. Egutero 80-90 km egitten ditud.

Ze lasterketa irabazi nahiko zenuke?

Datorren zapatukua, Lasarten. Izen haundiko karrera da, baita Eibarko Balentziaga

karrera be. Baiña ezte neretako modoko karrerak; aldapa asko dago.

Noizko profesional mailara?

Hori nekeza da. Gaiñera “entxufismo” haundixa dago. Ondo ibilli bihar zara eta erakutsi bihar dozu balio dozuna, baiña badare gutxiago erakutsitta ailegatu direnak... ■



Zapatuan Lasarten izango da Aitor.



Helburua, hortxe gustura ibiltzia eta ahal baldin bada karreraren bat irabazia!



ANTZUOLA

Apainketak eta isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriadako pinturak
- Paper margotuak
- Mokatak eta tapizatuak